



Broj: 04-04-4-2704/20

Sarajevo, 30. 12. 2020. godine

**SAOPĆENJE ZA JAVNOST POVODOM OBJAVE REVIZORSKOG IZVJEŠTAJA  
O NAJVAŽNIJIM NALAZIMA I PREPORUKAMA ZA 2019/2020. GODINU**

Ured za reviziju institucija je objavio *Revizorski izvještaj o najvažnijim nalazima i preporukama za 2019/2020. godinu* koji je zakonom obavezan godišnji izvještaj Ureda za reviziju institucija u Federaciji Bosne i Hercegovine. On sadrži najvažnije nalaze i preporuke iz obavljenih finansijskih revizija i revizija učinka, te Izvještaj o finansijskoj reviziji Izvještaja o izvršenju Budžeta Federacije BiH za 2019. godinu.

Glavni korisnik Izvještaja je Parlament Federacije BiH, a njegova svrha je da objedini nalaze i preporuke iz obavljenih revizija u datoj godini, te da na taj način pruži u jednom dokumentu sublimirane informacije o korištenju i upravljanju javnim sredstvima u Federaciji BiH. Također, njegovim objavljivanjem na internet stranici Ureda za reviziju, postaje dostupan medijima, organizacijama civilnog društva i široj javnosti.

Izvještaj je strukturiran tako da su prvo predstavljeni najvažniji nalazi i preporuke finansijskih revizija po vrstama subjekata, zatim najvažniji nalazi i preporuke obavljenih revizija učinka, koje su obavljene u skladu s Planom revizije 2019/2020. godina. Kroz izvještaj se također daju određeni statističku podaci i finansijski pokazatelji.

Revizijama je obuhvaćen veliki broj subjekata koji se prvi put revidira i obuhvaćene su ključne oblasti poput zdravstva, zapošljavanja i komunalnih usluga na području cijele Federacije BiH. Objavljeno je ukupno 89 izvještaja finansijske revizije, i 5 izvještaja revizije učinka, što je jedna više od planiranih. Za finansijske izvještaje je dato 35 pozitivnih, 45 mišljenja sa rezervom, 8 negativnih i jedno suzdržano mišljenje. Za usklađenost sa zakonima i drugim propisima dato je 11 pozitivnih mišljenja, 74 mišljenja sa rezervom i 4 negativna mišljenja. Revidiranim subjektima data je 1.521 preporuka.

U godini u kojoj Ured proslavlja svoju 20. godišnjicu postojanja, cijeli svijet je zadesila pojava pandemije COVID-19, koja je nametnula i nove uslove rada. Predanim radom zaposlenika Ureda za reviziju, novonastala situacija nije spriječila da se uspješno i na vrijeme realizuje plan revizija, odnosno da se izvještaji na vrijeme dostave subjektima, nadležnim institucijama i objave na internet stranici.

Revizorski izvještaj o najvažnijim nalazima i preporukama za 2019/2020. godinu dostupan je na internet- stranici Ureda za reviziju: [www.vrifbih.ba](http://www.vrifbih.ba).

